

Kojalowicz, Albertus Wijuk T1677

Miscellanea rerum ad statum ecclesiasticum
in magno Lituaniae ducatu pertinentium.
Wilnae 1650. (6)+128 s.

Gad. n:r 2003.

Inb. ~~4:0~~



MISCELLANEA
RERVM

Ad Statum Ecclesiasticum
IN MAGNO LITVANIÆ
DVCATV
pertinentium.


Collecta

ab

ALBERTO WIIVK KOIALOWICZ
Societ. IESV, S. Theol. Doct. Almæ Vniuer-
sitatis Vilnensis Procancellario, & Ordi-
nario S. Theol. Professore

vulgata

SUPERIORVM PERMISSV



VILNÆ, Typis Academicis,
ANNO DOMINI
M, DC, L,



ILLVSTRISSIMO AC REVE-
RENDISSIMO DOMINO, D.

GEORGIO TYSZKIEWICZ
EPISCOPO VILNENSI

Senatus Magni Ducatus Lituaniae Principi.

CUM ex Episcopatu Samogitia ad Vilnensem,
Tuo merito, nostrum verò omnium voto, eue-
ctus; Vilnam urbem Diocesens principem, &
Honoris Cathedram, auspicio ingredi paras: infiniti
sunt, qui vota sua, gratissimo Tuae dignitatis spectaculo
coronaturi, iam totis affectibus, obviam effunduntur.
Mibi verò precurrendi etiam alios necessitatem, debi-
ta in Te observantia, imposuit: si necessitas rectè dici
potest; sub quam prona voluntas suo ingenio fertur.
Libet tamen necessitatis nomen non fugere, ut ex inge-
nua debiti professione, tantum de officio meo decrescat,
quantum beneficia Tua assurrexerunt. Nihil enim
est, quod non debeam Tibi cum Parente instituti mei
Soc: IESV, quam semper eximia benevolentia com-
plexus es: nihil, quod non debeam cum altrice studio-
rum meorum Alma Vniuersitate Vilnensi, quae ut
hactenus singularem protectorem semper experta est,

ita nunc Cancellarium suum prona veneratur : nihil, quod non debeam ipse pro me; nimirum Beneficentiae Tuae undiq; obligatissimus. At quae mea, ex Tui praesertim conspectus ad audendum benigne inuitantis influxu, morositas est : ut primum coram te consiti, oblitus pendendi debiti, nihil amplius eloqui possim, quam noui beneficii postulationem. Occasione destinate Historiae Lituae plura Lituaniam concernentia subsecutis horis congeffi : quorum partem aliquam, ut ea posterorum memoria assereretur, in hunc libellum Miscellaneorum relatam, vulgare destinaui. Istius igitur mee tam exiguae operae, pretium apud Te Illustrissime Praesul querere audeo : neq; aliud, quam ut paucis hisce pagellis, sub Tuorum syderum benigno aspectu, in lucem prodeuntibus, oculum mentemq; breuiter commodes. Nihil quidem illae Tua eruditione dignum habent; neque tamen repulsam timent: quia ad eam auertendam satis apud Te erit, quod res aliquas ad Lituaniam & Statum Ecclesiasticum pertinentes, contineant.

Illustrissimae Tuae Celsitudinis

seruitor

ALBERTVS W. KOJAŁOWICZ
Societ. JESV.